



UNIVERSITÄTS-  
BIBLIOTHEK  
PADERBORN

# **Cogitationes, Sive Considerationes Christianae Pro singulis Anni diebus**

Complectens Januarium, Februarium, Martium

**Nepveu, François**

**Monachii, 1709**

Dies 12. De pœnitentia.

---

[urn:nbn:de:hbz:466:1-60495](https://nbn-resolving.org/urn:nbn:de:hbz:466:1-60495)

DIES XII.  
De Pœnitentia.

## I.

**P**œnitentia, ut bona sit, sincera esse debet:  
 Ut sincera sit, severa esse debet. **DEUS**  
 nobis peccata non condonat, nisi hac lege,  
 ut ea nobis ipsi non condonemus: Vult  
 quidem eorum oblivisci; sed nos eorum  
 meminisse oportet. Nihil ea melius no-  
 bis in memoriam revocat, quàm opera  
 pœnitentiæ, quæ nos ipsi ad ea expianda  
 suscipimus. Ut primum de peccatis ritè  
 dolemus, **DEUS** nos odisse cessat, atque  
 ideo culpa planè remissa est; at non etiam  
 remissa est pœna; sed tantummodò mutata.  
 Ante pœnitentiam pœnam æternam mere-  
 bamur, post pœnitentiam pœnâ temporali  
 contentus est, quæ prioris est compensatio,  
 hujus pœnæ nos arbitros, & iudices consti-  
 tuit: Si verò nostrum iudicium justo mi-  
 tius est, ab eo ad justitiam suam appellabit;  
 quæ severa erit, ubi nobis nimirum indul-  
 gentes sumus. Si igitur volumus, ut ipse  
 nobis parcat, nobis ipsis non parcamus.

II. Si consideres pœnam temporalem,  
 quæ tibi injungitur, vel quam tibi ipse

I 2

pœni-

Februarius, pœnitentiæ loco injungis, compensationem esse pœnæ cujusdam æternæ, in posterum tibi adeò indulgens non eris. An difficile tibi accidat denarium expendere, ubi decem tibi talentorum millia remittuntur? Si necessarium non est, ut æqualitas sit inter rem, per quam satisfit, & inter eam, pro qua satisfit, saltem proportio quædam inveniri debet. Si à te non exigitur tantum, quantum debes, saltem tantum solve, quantum potes. Et sanè; ànne probè observas justas compensationis regulas, si pro pœnis infinitis, quæ tibi remittuntur, totius pœnitentiæ loco contentus es quibusdam precibus vocalibus tam exigua attentione persolutis, quæ ipsa tua pœnitentia novam præbeat pœnitentiæ materiam? Si pœnitentiam ad expianda peccata, quæ pœnas æternas mererentur, unius vel duorum horarum spaciò termines? Causa, cur in pœnitentia tua tantopere tibi parcas, est, quòd non satis concipias, quid sit pœna æterna, vel, quòd non satis penetres, te illam promeritum fuisse.

III. Quis hac in re meliùs dirigere te potest, quàm modus, quo DEUS usus est, dum ipsemet imponere voluit pœnam temporalem, in qua pœnitentia vitæ consistit?

sistit ? Is Davidi ignoscit ; & nihilominus eum punit ; & quantam ei pœnitentiam non injungit ? David à proprio filio sede sua pellitur , à subditis suis deseritur , regno suo exiit . Sic tamen largiri veniam , sic benignè tractare dicitur : Quid futurum esset , si Deus ultionem sumeret ? An non Ecclesia Mater tam benigna , & charitate plena filiis suis , injunxit septem annorum pœnitentiam pro ijs peccatis , quæ hodie fragilitates humanæ censentur ? Sed quales pœnitentias ? Unica earum dies annus esse videretur ignaviæ nostræ . éstne peccatum minùs peccatum , quàm tunc fuerit ? éstne benignitas DEI minùs amabilis ? Ejus justitia minùs formidanda ? Sumùsne minùs Christiani ? Ita sanè ; minùs Christiani sumus ; & idcirco minùs pœnitentes sumus .

*Si difficile tibi accidit , pœnitentijs , quas confessorius tibi injungit , vel Spiritus divinus tibi suggerit , te submittere , dicas tibi ipsi : Ecquid est hæc pœnitentia , si pœnitentiæ æternæ , quam meritùs sui , comparetur ?*

Verè deliqui , & sicut dignus eram , non recepi . *Job 33. v. 27.*

Pœnitentia pro DEI indignatione fungitur , & pro temporali afflictione æterna supplicia non frustratur , sed expungit . *Tertull.*